

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona" broj 7/10 i 3/23), a u vezi sa članom 55. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“ broj 21/23, 4/24 i 12/24), na prijedlog Ministarstva za boračka pitanja, Vlada Zeničko-dobojskog kantona na 70. sjednici, održanoj dana 07.03.2025. godine, d o n o s i

ZAKLJUČAK

I.

Usvaja se Izvještaj o utrošku sredstava sa budžetske pozicije Ministarstva za boračka pitanja namijenjenih za potrebe branilaca i članova njihovih porodica u 2024. godini.

II.

Izvještaj iz tačke I. čini sastavni dio ovog Zaključka.

III.

Zaključak stupa na snagu danom donošenja.

Broj: 02-_____/25.
Datum, 07.03.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,
1x Ministarstvo finansija,
1x a/a.

**Bosna i Hercegovina
Federacija Bosne i Hercegovine
Zeničko-dobojski kanton**

MINISTARSTVO ZA BORAČKA PITANJA

IZVJEŠTAJ

o utrošku sredstava sa budžetske pozicije Ministarstva za boračka pitanja namijenjenih za potrebe
branilaca i članova njihovih porodica u 2024. godini

Zenica, februar 2025. godine

I. UVOD

U realizaciji obaveze iz člana 38. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“ broj 21/23), na prijedlog Ministarstva za boračka pitanja Vlada Kantona je Odlukom broj: 02-11-1895/24 od 29.01.2024. godine usvojila Program utroška sredstava Budžeta Zeničko-dobojskog kantona za 2024. godinu planiranih na razdjelu Ministarstva za boračka pitanja namijenjenih za potrebe branilaca i članova njihovih porodica, te su Odlukom Vlade od 02-11-11266/24 od 14.06.2024. godine usvojene izmjene i dopune ovog Programa.

Odlukama o preraspodjeli rashoda broj: 07-03-01/11-12805-1/24 od 16.07.2024. godine, 07-03-01/11-12805-2-1/24 od 18.10.2024. godine i 07-03-01/11-12805-3-1/24 od 17.12.2024. godine, koje je donijelo Ministarstvo finansija na prijedlog Ministarstva za boračka pitanja, te Izmjenama i dopunama Budžeta Zeničko-dobojskog kantona za 2024. godinu („Službene novine Zeničko-dobojskog kantona“ broj 12/24 i 24/24) određen je konačni raspored sredstava na razdjelu Ministarstva.

Članom 55. stav (2) Zakona o izvršavanju Budžeta ZDK za 2024. godinu, utvrđena je obaveza resornih ministarstava da jednom godišnje dostave Ministarstvu finansija i Vladi izvještaj o namjenskoj upotrebi odobrenih sredstava i učincima iz aktivnosti koje su tim sredstvima finansirane.

Sljedeća tabela sadrži pregled o odobrenim i utrošenim budžetskim sredstvima u 2024. godini, a na osnovu naznačenog Programa utroška sredstava:

Ek. kod	Subanalitika	Tekući transferi drugim nivoima vlasti Tekući transferi pojedincima Tekući transferi neprofitnim organizacijama Kapitalni transferi drugim nivoima vlasti	Iznos transfera (KM)	Izvršenje (KM)	%
614100		Tekući transferi drugim nivoima vlasti	200.000,00	168.500,00	84,25 %
	OAD 206	Sufinansiranje učešća u takmičenjima invalidskog sporta	10.000,00	10.000,00	100,00 %
	OAD 207	Sufinansiranje organizovanja takmičenja i sportskih manifestacija	90.000,00	71.700,00	79,67 %
	OAD 219	Sredstva za izgradnju spomen obilježja vezanih za OR	100.000,00	86.800,00	86,80 %
614200		Tekući transferi pojedincima	19.844.480,00	18.930.800,65	95,40 %
	OAD 201	Medicinska rehabilitacija	800.000,00	795.135,00	99,39 %
	OAD 202	Stipendiranje studenata-branilaca i članova njihovih porodica	2.200.000,00	1.971.600,00	89,62 %
	OAD 203	Podizanje nišana/nadgrobnih spomenika šehida / poginulih branilaca i umrlih	10.000,00	0,00	0,00 %
	OAD 205	Ortopedska i druga pomagala	250.000,00	143.011,08	57,20 %
	OAD 208	Pomoć u rješavanju stambenog pitanja	935.000,00	934.969,80	100,00 %
	OAD 212	Pomoć u slučaju smrti branilaca i članova njihovih porodica	1.000.000,00	999.685,00	99,97 %
	OAD 213	Vanredna novčana pomoć	495.000,00	306.200,00	61,86 %
	OAD 214	Pomoć za liječenje i nabavu lijekova	2.200.000,00	2.200.000,00	100,00 %
	OAD 216	Jednokratno novčano primanje osobama sa naročitim zaslugama	47.000,00	1.100,00	2,34 %
	OAD 220	Pomoć za nabavu udžbenika za redovno obrazovanje	423.000,00	422.900,00	99,98 %
	OAD 222	Transfer za poticaj zapošljavanja branilaca i članova njihovih porodica	1.650.000,00	1.605.653,62	97,31 %
	OAD 223	Zdravstvena zaštita neosiguranih lica	150.000,00	142.689,15	95,13 %
	OAD 224	Egzistencijalna naknada	9.680.480,00	9.407.857,00	97,18 %
	OAD 225	Sufinansiranje stručnih/završnih ispita	2.000,00	0,00	0,00 %
	OAX 002	Profesionalna rehabilitacija	2.000,00	0,00	0,00 %
614300		Tekući transferi neprofitnim organizacijama	1.075.000,00	1.004.864,55	93,48 %
	OAD 203	Podizanje nišana/nadgrobnih spomenika šehida / poginulih branilaca i umrlih	10.000,00	5.044,00	50,44 %
	OAD 204	Sredstva za rad branilačkih udruženja	800.000,00	773.721,05	96,72 %
	OAD 206	Sufinansiranje učešća u takmičenjima invalidskog sporta	105.000,00	104.800,00	99,81 %
	OAD 207	Sufinansiranje organizovanja takmičenja i sportskih manifestacija	110.000,00	99.799,50	90,73 %
	OAD 212	Pomoć u slučaju smrti branilaca i članova njihovih porodica	20.000,00	7.500,00	37,50 %
	OAD 219	Sredstva za izgradnju spomen obilježja vezanih za OR	30.000,00	14.000,00	46,67 %
615100		Kapitalni transferi drugim nivoima vlasti	80.000,00	80.000,00	100,00 %
		U K U P N O	21.199.480,00	20.184.165,20	95,21

II. OBRAZLOŽENJE UTROŠKA PO POJEDINIM TRANSFERIMA

614100 – TEKUĆI TRANSFERI DRUGIM NIVOIMA VLASTI

a) Sufinansiranje učešća u takmičenjima invalidskog sporta - OAD 206

1) **Visina odobrenih sredstava:** 10.000,00 KM

2) **Svrha transfera:**

- Finansijska pomoć Savezu za sport i rekreaciju ZDK, Savezu sjedeće odbojke ZDK i asocijacijama košarke u kolicima i sjedeće odbojke FBiH, odnosno Bosne i Hercegovine;
- Finansiranje takmičarskih aktivnosti RVI sportista na međunarodnim takmičenjima i takmičenjima u pojedinačnim sportovima na državnom, federalnom i kantonalnom nivou.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14).

S ovog transfera u 2024. godini sufinansirana su četiri projekta sudjelovanja RVI sportista na sportskim turnirima u inostranstvu u ukupnom iznosu od 5.500,00 KM, od čega su zahtjevi za sufinansiranje dva projekta upućeni od nadležne službe općine Breza, dok je zahtjev za jedan projekat upućen od nadležne službe općine Maglaj, a jedan od grada Zenica. Također, finansiran je jedan projekat organizacije turnira u sjedećoj odbojci i jedan projekat organizacije turnira u šahu čiji su zahtjevi upućen preko nadležne općinske službe Breza u iznosu 2.500,00 KM, te nabava sportske opreme i vitamina za potrebe RVI sportista u ukupnom iznosu 2.000,00 KM.

Navedena sredstva odobrena su aktima ministra Ministarstva za boračka pitanja, a u skladu sa članom 3. stav a) tačka 4. Programa utroška sredstava Ministarstva za 2024. godinu, prema kojem odluku o odobravanju sredstava po podnesenim zahtjevima koji ne prelaze iznos od 5.000,00 KM donosi ministar Ministarstva.

Ukupan iznos sredstava plasiranih po ovom transferu je 10.000,00 KM, odnosno 100% budžetskih sredstava.

b) Sufinansiranje organizovanja takmičenja i sportskih manifestacija – OAD 207

1) **Visina odobrenih sredstava:** 90.000,00 KM

2) **Svrha transfera:** Troškovi organizovanja takmičenja i manifestacija povodom obilježavanja značajnih datuma u Kantonu vezanih za odbrambeno-oslobodilački rat, kao i značajnih datuma iz NOR-a.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14);
- Kalendar obilježavanja značajnih datuma iz proteklog odbrambeno-oslobodilačkog rata (akt Ministarstva).

Tokom 2024. godine iz planiranih sredstava finansirano je 28 značajnih manifestacija na osnovu zahtjeva upućenih od strane gradskih/općinskih službi, a u skladu sa Programom utroška sredstava za 2024. godinu. Obzirom da su svi pojedinačni zahtjevi iziskivali sredstva do 5.000,00 KM, isti su odobreni aktima ministra Ministarstva, u skladu sa članom 3. stav b) tačka 5. Programa utroška sredstava Ministarstva za 2024. godinu.

Za ovu namjenu ukupno je utrošeno 71.700,00 KM, odnosno 79,67% od iznosa planiranog Budžetom.

c) Sredstva za izgradnju spomen obilježja vezanih za odbrambeno-oslobodilački rat – OAD 219

- 1) **Visina sredstava:** 100.000,00 KM
- 2) **Svrha transfera:** Sufinansiranje izgradnje, sanacije ili rekonstrukcije spomen-obilježja vezanih za odbrambeno-oslobodilački rat
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);

Utrošak sredstava s ovog transfera vršen je po osnovi dostavljenih projekata izgradnje, sanacije ili rekonstrukcije spomen obilježja vezanih za odbrambeno-oslobodilački rat i narodno-oslobodilački rat, koji su sadržavali urbanističku saglasnost te predračun/račun za izgradnju, sanaciju ili rekonstrukciju spomen-obilježja. Sredstvima sa ovog transfera potpomognuta je izgradnja novih 10 spomen-obilježja, te dvije rekonstrukcije postojećih spomen-obilježja na području dolje navedenih gradova/općina Kantona:

- Grad Zenica – jedan projekat izgradnje spomen obilježja, ukupan iznos 3.000,00 KM
- Grad Visoko – jedan projekat izgradnje spomen obilježja, ukupan iznos 5.000,00 KM
- Grad Zavidovići – dva projekta izgradnje u ukupnom iznosu od 35.000,00 KM, te jedan projekat rekonstrukcije spomen obilježja, ukupan iznos 4.000,00 KM
- Općina Breza – jedan projekat izgradnje centralnog spomen obilježja u naselju Župča, te jedan projekat sanacije mezara prvog šehida iz općine Breza u ukupnom iznosu od 21.300,00 KM odobrenih Zaključkom Vlade broj 02-11-17955/24 od 25.10.2024. godine
- Općina Maglaj – jedan projekat sanacije spomen obilježja u mjestu Kosova, ukupan iznos 3.000,00 KM
- Općina Kakanj – jedan projekat završetka spomen obilježja u MZ Tršće, ukupan iznos 2.500,00 KM
- Općina Žepče – dva projekta izgradnje izgradnje spomen obilježja, ukupan iznos 10.000,00 KM
- Općina Vareš - jedan projekat završetka izgradnje spomen obilježja, ukupan iznos 3.000,00 KM

Sredstva za sufinansiranje 10 projekata odobrena su Odlukama ministra Ministarstva u skladu sa članom 3. stav c) tačka 4. Programa utroška sredstava Ministarstva za 2024. godinu, dok su sredstva za dva projekat odobrena Zaključkom Vlade.

Ukupno je utrošeno 86.800,00 KM odnosno 86,80 % raspoloživih sredstava.

614200 – TEKUĆI TRANSFERI POJEDINCIMA

d) Medicinska rehabilitacija – OAD 201

- 1) **Visina odobrenih sredstava:** 800.000,00 KM
- 2) **Svrha transfera:** Medicinska rehabilitacija branilaca i članova njihovih porodica
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);

- Uredba o medicinskoj rehabilitaciji branilaca i članova njihovih porodica u banjско-klimatskim lječilištima ("Službene novine Zeničko-dobojskog kantona" broj 4/14 i 15/21);
- Ugovori Ministarstva po sukcesivnoj isporuci sa JZU «Aquaterr» Olovo, JZU „Reumal“ Fojnica, JZU „Ilidža“ Gradačac i ZU Lječilište „Banja Terme Ilidža“ Sarajevo.

Sredstvima ovog transfera finansirana je medicinska rehabilitacija pripadnika branilačke populacije u banjско-klimatskim lječilištima čije je zahtjeve Komisija Ministarstva sastavljena od tri liječnika-specijalista, ocijenila opravdanim. Na prijedlog Komisije, sredstva za ovu svrhu odobrena su odlukama ministra Ministarstva. Upućivanje pripadnika branilačke populacije na rehabilitaciju vrši se u vremenskom razdoblju od 14 dana. Na medicinsku rehabilitaciju u objekte JU RRC "Reumal" Fojnica, JZU "Aquaterr" Olovo, JZU Banja „Ilidža“ Gradačac i ZU Lječilište „Banja Terme Ilidža“ Sarajevo upućeno je ukupno 665 pripadnika branilačke populacije, za što je utrošeno 795.135,00 KM ili 99,39 % raspoloživih sredstava.

e) Stipendiranje studenata–branilaca i članova njihovih porodica – OAD 202

- 1) **Visina odobrenih sredstava:** 2.200.000,00 KM
- 2) **Svrha transfera:** Stipendiranje studenata – branilaca i članova njihovih porodica za studij na visokoškolskim ustanovama.
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o stipendiranju redovnog studija branilaca i članova njihovih porodica ("Službene novine Zeničko-dobojskog kantona" broj 4/14, 1/18 i 15/21);
 - Obavijest Ministarstva o visini i broju dodijeljenih stipendija kandidatima koji ispunjavaju uvjete.

Ministarstvo za boračka pitanja je dana 31.10.2023. godine raspisalo konkurs za dodjelu stipendija studentima-braniocima i članovima njihovih porodica za studijsku 2023./2024. godinu. Po okončanju konkursne procedure ugovor o stipendiranju sklopljen je sa 1.520 studenata koji su ostvarili pravo na istu. Za ovu namjenu utrošeno je 1.971.600,00 KM odnosno 89,62 % raspoloživih sredstava. Stipendije su, tokom 2024. godine, studentima isplaćene u osam rata.

f) Podizanje nišana/nadgrobnih spomenika šehida/poginulih branilaca i umrlih–OAD 203

- 1) **Visina odobrenih sredstava:** 10.000,00 KM
- 2) **Svrha transfera:** Naknada troškova podizanja nišana/nadgrobnog spomenika pripadniku OS RBiH koji je poginuo ili umro kao učesnik u odbrani BiH u proteklom odbrambeno-oslobodilačkom ratu i koji je sahranjen na području Kantona, odnosno RS, a koji je bio na evidenciji nadležnog vojnog organa u općinama Kantona.
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 4/14).

Sa ovog transfera u toku 2024. godine nije bilo trošenja sredstava.

g) Ortopedska i druga pomagala – OAD 205

- 1) **Visina odobrenih sredstava:** 250.000,00 KM
- 2) **Svrha transfera:** Finansiranje nabavke ortopedskih pomagala za potrebe branilaca i članova njihovih porodica, uključujući i invalidska kolica za RVI paraplegičare
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Odluka o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 4/15 i 15/21);

S ovog transfera finansirana je nabavka ortopedskih i drugih pomagala za 61 korisnika, u ukupnom iznosu od 143.011,08 KM. Zahtjevi navedenih korisnika ocijenjeni su opravdanim od strane Komisije za nabavu ortopedskih pomagala imenovane rješenjem ministra Ministarstva, a na čiji su prijedlog sredstva u konačnici odobrena odlukama ministra Ministarstva, u skladu sa članom 20. stav (1) Odluke o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 4/15 i 15/21).

Zaključkom Vlade broj 02-11-19140/24 od 15.11.2024. godine finansirana je nabavka invalidskih kolica na mehanički pogon za 11 korisnika RVI paraplegičara, u ukupnom iznosu od 99.000,00 KM.

Na ovom transferu ukupno je utrošeno 143.011,08 KM odnosno 57,20 % planiranih sredstava.

h) Pomoć u rješavanju stambenog pitanja – OAD 208

- 1) **Visina odobrenih sredstava:** 935.000,00 KM
- 2) **Svrha transfera:** Stambeno zbrinjavanje branilaca i članova njihovih porodica putem:
 - odobravanja sredstava gradovima/općinama u svrhu kupovine i izgradnje stambenih jedinica;
 - izgradnje stambenog objekta s ciljem trajnog stambenog rješavanja;
 - kupovine individualnog stambenog objekta ili stana na osnovi zaključenih ugovora;
 - prilagođavanja stambenog objekta posebnim potrebama ratnih vojnih invalida s utvrđenim postotkom invalidnosti 70% V grupe i više;
 - sufinansiranja izdavanja rješenja o dozvoli za gradnju u iznosu do 5.000,00 KM;
 - sufinansiranja izdavanja rješenja o legalizaciji objekta u iznosu do 5.000,00 KM;
 - sufinansiranja troškova priključaka na infrastrukturne mreže po računu iz prethodne i tekuće kalendarske godine.
- 3) **Pravna osnova:**
 - Zakon o pravima demobiliziranih branilaca i članova njihovih porodica („Službene novine Federacije BiH“ broj 54/19, 29/22 i 81/23);
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o pomoći u rješavanju stambenog pitanja branilaca i članova njihovih porodica ("Službene novine Zeničko-dobojskog kantona" broj 4/14, 1/18, 15/21 i 18/22);
 - Odluka o odobravanju prenosa vlasništva na stanovima dodijeljenim na korištenje braniocima i članovima njihovih porodica („Službene novine Zeničko-dobojskog kantona“ broj 11/06 i 5/10).

Ministarstvo za boračka pitanja je dana 07.03.2024. godine raspisalo javni poziv za dodjelu sredstava za pomoć u stambenom zbrinjavanju braniocima i članovima njihovih porodica za 2024. godinu. Po okončanju procedure javnog poziva, Komisija je odobrene zahtjeve prosljedila na razmatranje Vladi ZDK. Zaključcima Vlade u 2024. godini odobreno je 82 zahtjeva za stambeno zbrinjavanje u vidu kupovine, izgradnje, sanacije, prilagođavanja ili legalizacije stambenog objekta, a za što je utrošeno ukupno 720.967,22 KM ili 77,11 % planiranih sredstava.

U 2024. godini odobreno je 95 zahtjeva u vezi istog, te je za ove namjene utrošeno 213.250,33 KM, odnosno 22,81 % planiranih sredstava. Ista su odobrena odlukama ministra Ministarstva, u skladu sa članom 16. stav (1) Uredbe o pomoći u rješavanju stambenog pitanja branilaca i članova njihovih porodica ("Službene novine Zeničko-dobojskog kantona" broj 4/14 1/18 15/21 i 18/22).

Sveukupno, u svrhu stambenog zbrinjavanja pripadnika branilačke populacije sa budžetske pozicije Ministarstva utrošeno je 934.969,80 KM, odnosno 100,00 % raspoloživih sredstava.

i) Pomoć u slučaju smrti branilaca i članova njihovih porodica – OAD 212

- 1) **Visina odobrenih sredstava:** 1.000.000,00 KM
- 2) **Svrha transfera:** naknada troškova dženaze/sahrane branilaca i članova njihovih porodica
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14).

U svrhu naknade troškova dženaze/sahrane umrlih pripadnika branilačke populacije u 2024. godini odobren je 867 zahtjev članova njihovih porodica, koji su upućeni putem gradskih/općinskih službi. U ovu svrhu ukupno je utrošeno 999.685,00 KM, odnosno 99,97 % Budžetom raspoloživih sredstava, a ista su odobrena odlukama ministra Ministarstva u skladu sa članom 6. i članom 13. Uredbe o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14).

j) Vanredna novčana pomoć – OAD 213

- 1) **Visina odobrenih sredstava:** 495.000,00 KM
- 2) **Svrha transfera:** Novčana pomoć pripadnicima branilačke populacije u slučaju vanrednih okolnosti kao što su elementarne nepogode i nesreće, smrt i bolest člana domaćinstva i u drugim slučajevima koji uzrokuju tešku ekonomsku situaciju i potrebu osiguranja neophodnih sredstava
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Uredba o vanrednoj novčanoj pomoći braniocima i članovima njihovih porodica ("Službene novine Zeničko-dobojskog kantona" broj 4/14, 1/18, 15/21 i 3/24).

Za vanrednu novčanu pomoć odobreno je 689 zahtjeva pripadnika branilačke populacije, za što je utrošeno 306.200,00 KM ili 61,86 % raspoloživih sredstava.

Ova sredstva odobrena su odlukama ministra Ministarstva na obrazloženi prijedlog Komisije Ministarstva, a u skladu sa članom 13. Uredbe o vanrednoj novčanoj pomoći braniocima i članovima njihovih porodica ("Službene novine Zeničko-dobojskog kantona" broj 4/14, 1/18, 15/21 i 3/24).

k) Pomoć za liječenje i nabavu lijekova – OAD 214

- 1) **Visina odobrenih sredstava:** 2.200.000,00 KM
- 2) **Svrha transfera:** naknade troškova specijalističkih pregleda, nabave lijekova i sanitetskog materijala za potrebe ratnih vojnih invalida, a u cilju liječenja rana i povreda posljedično vezanih za sudjelovanje u ratu; liječenje i nabava lijekova za potrebe branilaca i članova njihovih porodica.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 4/15 i 15/21).

U ovu svrhu ukupno je odobreno 4.814 podnesena zahtjeva, za što je utrošeno 2.200.00,00 KM, odnosno 100,00 % Budžetom raspoloživih sredstava.

Od navedenih sredstava, 174.500,00 KM odobreno je na osnovi zaključaka Vlade ZDK za ukupno 25 korisnika, a u svrhu sufinansiranja troškova liječenja u inostanstvu.

Preostala sredstva u iznosu od 2.025.500,00 KM odobrena su odlukama ministra Ministarstva na obrazloženi prijedlog Komisije Ministarstva, u skladu sa članom 31. stav (3) Odluke o proširenom obimu prava iz oblasti zdravstvene zaštite za braniocima i članove njihovih porodica ("Službene novine Zeničko-dobojskog kantona" broj 4/15 i 15/21).

l) Jednokratno novčano primanje osobama sa naročitim zaslugama – OAD 216

1) **Visina odobrenih sredstava:** 47.000,00 KM

2) **Svrha transfera:** Jednokratno novčano primanje osobama sa naročitim zaslugama.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o novčanoj naknadi dobitnika ratnih priznanja i odličja za vrijeme nezaposlenosti ("Službene novine Zeničko-dobojskog kantona" broj 4/14 i 15/21).

S ovog transfera odobrena je pomoć za dva dobitnika ratnih priznanja koji se nalaze na evidenciji Službe za zapošljavanje ZDK i za čije je naknade utrošeno 1.100,00 KM, odnosno 2,34 % raspoloživih sredstava.

Sredstva su odobrena odlukom ministra Ministarstva, a u skladu sa članom 4. stav c) Uredbe o novčanoj naknadi dobitnika ratnih priznanja i odličja za vrijeme nezaposlenosti ("Službene novine Zeničko-dobojskog kantona" broj 4/14 i 15/21).

m) Pomoć za nabavku udžbenika za redovno obrazovanje - OAD 220

1) **Visina odobrenih sredstava:** 423.000,00 KM

2) **Svrha transfera:** Pomoć pripadnicima branilačke populacije za nabavu udžbenika za redovno školovanje

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o prednosti u školovanju branilaca i članova njihovih porodica ("Službene novine Zeničko-dobojskog kantona" broj 4/14, 1/18, 15/21 i 14/24).

Ministarstvo za boračka pitanja je dana 06.08.2024. godine raspisalo konkurs za dodjelu novčane pomoći za nabavu obaveznih udžbenika djeci branilaca za školsku 2024./2025. godinu. Ukupan iznos sredstava plasiranih po ovom transferu iznosi 422.900,00 KM, odnosno 99,98 % Budžetom raspoloživih sredstava. Ovim sredstvima, a po raspisanom konkursu u 2024. godini, sufinansirana je nabavka školskih udžbenika za 1.632 korisnika – djece branilaca, učenika osnovnih i srednjih škola.

n) Transfer za poticaj zapošljavanja branilaca i članova njihovih porodica – OAD 222

- 1) **Visina odobrenih sredstava:** 1.650.000,00 KM
- 2) **Svrha transfera:** poticaj aktivnih mjera zapošljavanja i samozapošljavanja branilaca i članova njihovih porodica.
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Odluka Vlade o usvajanju Programa utroška sredstava Budžeta Zeničko-dobojskog kantona za 2024. godinu planiranih na razdjelu Ministarstva za boračka pitanja broj 02-11-1895/24 od 29.01.2024. godine, te Odluka Vlade o izmjenama i dopunama ovog programa broj 02-11-11266/24 od 14.06.2024. godine;
 - Zaključak Vlade o usvajanju Programa poticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim osobama Ministarstva za boračka pitanja broj 02-11-4627/24 od 08.03.2024. godine;
 - Zaključak Vlade o usvajanju Programa poticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj 02-11-4626/24 od 08.03.2024. godine;
 - Odluka Vlade broj: 02-11-14389/24 od 16.08.2024. godine o odobravanju sudjelovanja Zeničko-dobojskog kantona u realizaciji projektne aktivnosti u Programu sufinansiranja zapošljavanja djece šehida i poginulih branilaca Federalnog zavoda za zapošljavanje.

Ministarstvo za boračka pitanja je dana 26.03.2024. godine raspisalo dva javna poziva – za dodjelu poticaja samozapošljavanja pripadnika branilačke populacije ZDK za 2024. godinu, te za dodjelu poticaja zapošljavanja pripadnika branilačke populacije ZDK putem zapošljavanja u pravnim osobama za 2024. godinu.

Kroz usvojeni Program zapošljavanja, a po okončanju procedure javnog poziva, sredstva su odobrena za 23 pripadnika branilačke populacije, za što je utrošeno 250.800,00 KM ili 16,00 % raspoloživih sredstava.

Po usvojenom Programu samozapošljavanja, raspisan je javni poziv po kojem su mogli aplicirati pripadnici branilačke populacije koji su prvi put registrovali djelatnost (program „Prvi biznis“), te korisnici ovih poticaja iz prethodnih godina koji su:

- zaposlili jednog ili više radnika (program Biznis plus – varijanta A)
- zadržali poreznu registraciju i podmirili sve porezne obaveze za prethodnu godinu (program Biznis plus – varijanta B)

Po okončanju procedure javnog poziva, sredstva su odobrena za 125 pripadnika branilačke populacije i to po:

- Programu PRVI BIZNIS za 88 pripadnika branilačke populacije, za što je utrošeno 1.056.000,00 KM ili 64,00 % raspoloživih sredstava;
- Programu BIZNIS PLUS-varijanta A za 18 pripadnika branilačke populacije, za što je utrošeno 69.000,00 KM ili 4,19 % raspoloživih sredstava;
- Programu BIZNIS PLUS-varijanta B za 19 pripadnika branilačke populacije, za što je utrošeno 79.853,62 KM ili 4,84 % raspoloživih sredstava;

Za Program sufinansiranja zapošljavanja djece šehida i poginulih branilaca odobrena su sredstva u iznosu od 150.000,00 KM, odnosno 9,09 % raspoloživih sredstava. Navedena sredstva su transferirana

Službi za zapošljavanje ZDK za provedbu programa, a po osnovi potpisanog sporazuma o međusobnoj suradnji Vlade ZDK, Službe za zapošljavanje ZDK i Federalnog zavoda za zapošljavanje, te Odluke Vlade o odobravanju sudjelovanja Zeničko-dobojskog kantona u realizaciji projektne aktivnosti u Programu sufinansiranja zapošljavanja djece šehida i poginulih branilaca.

Ukupno je s ovog transfera, a kroz naznačene programe Ministarstva, odobrena pomoć za zapošljavanje pripadnika branilačke populacije u iznosu 1.605.653,62 KM, odnosno 97,31 % raspoloživih sredstava.

o) Zdravstvena zaštita neosiguranih lica – OAD 223

- 1) **Visina odobrenih sredstava:** 150.000,00 KM
- 2) **Svrha transfera:** zdravstvena zaštita branilaca neosiguranih po drugoj osnovi
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
 - Odluka o proširenom obimu prava iz oblasti zdravstvene zaštite za braniocce i članove njihovih porodica ("Službene novine Zeničko-dobojskog kantona" broj 4/15 i 15/21)

Utrošak sredstava na ovom transferu izvršen je po Zaključcima Vlade ZDK broj 02-11-8473/24 od 30.04.2024. godine, 02-11-13131/24 od 19.07.2024. godine, 02-11-17503/24 od 18.10.2024. godine i 02-11-20702/24 od 13.12.2024. godine u ukupnom iznosu od 142.689,15 KM ili 95,13 % raspoloživog iznosa. Navedena sredstva su transferirana na račun Zavoda zdravstvenog osiguranja ZDK, a u svrhu zdravstvene zaštite pripadnika branilačke populacije neosiguranih po drugoj osnovi.

p) Egzistencijalna naknada za demobilizirane branitelje – OAD 224

- 1) **Visina odobrenih sredstava:** 9.680.480,00 KM
- 2) **Svrha transfera:** pomoć u vidu mjesečne novčane naknade za nezaposlene demobilizirane braniocce ispod 57 godina života
- 3) **Pravna osnova:**
 - Zakon o pravima demobiliziranih branilaca i članova njihovih porodica ("Službene novine Federacije Bosne i Hercegovine" broj 54/19 29/22 i 81/23);
 - Uredba o novčanoj egzistencijalnoj naknadi za demobilizirane braniocce („Službene novine Zeničko-dobojskog kantona“ broj 6/20, 15/21, 18/22 i 3/24).

U 2024. godini pravo na kantonalnu egzistencijalnu naknadu ostvarilo je 3.030 branilaca ispod 57 godina starosti koji su u Službi za zapošljavanje registrirani kao nezaposlene osobe, a na osnovu pravosnažnih rješenja o priznavanju prava na novčanu egzistencijalnu naknadu u utvrđenom mjesečnom iznosu. Za isplatu novčane egzistencijalne naknade utrošeno je 7.775.857,00 KM.

Također, s ovog transfera isplaćena je jednokratna novčana pomoć po 200,00 KM korisnicima kantonalne egzistencijalne naknade i ratnim vojnim invalidima – korisnicima lične invalidnine s područja ZDK uslijed rasta potrošačkih cijena i otežane ekonomske situacije. U ovu svrhu isplaćeno je ukupno 1.632.000,00 KM, po osnovu Zaključka Vlade broj 02-11-16098/24 od 20.09.2024. godine.

Ukupan iznos doznačenih sredstava po ovom transferu iznosi 9.407.857,00 KM, odnosno 97,18 % Budžetom raspoloživih sredstava.

614300 – TEKUĆI TRANSFERI NEPROFITNIM ORGANIZACIJAMA

q) Podizanje nišana/nadgrobnih spomenika šehida/poginulih branilaca i umrlih–OAD 203

1) **Visina odobrenih sredstava:** 10.000,00 KM

2) **Svrha transfera:**

- Izrada i postavljanje jedinstvenog spomen-obilježja šehidima/poginulim braniocima, pripadnicima OSRBiH i drugih spomen-obilježja poginulim i umrlim pripadnicima OS u proteklom odbrambeno-oslobodilačkom ratu;
- Naknada troškova podizanja nišana/nadgrobnog spomenika pripadniku OS RBiH koji su poginuli ili umrli kao učesnici u odbrani BiH u proteklom odbrambeno-oslobodilačkom ratu i koji su sahranjeni na području Kantona, odnosno RS, a koji su bili na evidenciji nadležnog vojnog tijela u gradovima/općinama Kantona.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 4/14).

Sa ovog transfera vršen je utrošak sredstava za refundiranje troškova podizanja spomen-obilježja poginulim i umrlim braniocima-dobitnicima ratnih priznanja po prispjelim zahtjevima branilačkih udruženja. Za podizanje dva nišana utrošeno je 5.044,00 KM, odnosno 50,44 % budžetskih sredstava. Sredstva za ove namjene odobrena su odlukama ministra Ministarstva u skladu sa članom 4. i članom 8. Uredbe o naknadi troškova podizanja nišana/nadgrobnog spomenika ("Službene novine Zeničko-dobojskog kantona" broj 4/14).

r) Sredstva za rad braniteljskih udruženja – OAD 204

1) **Visina odobrenih sredstava:** 800.000,00 KM

2) **Svrha transfera:** Finansiranje rada udruženja pripadnika branilačke populacije organizovanih na kantonalnom nivou i ostalih programskih aktivnosti udruženja.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Odluka o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona" broj 4/14 i 15/20).

Raspodjela sredstava ovog transfera određena je na osnovu brojnosti članova, programa rada i aktivnosti kantonalnih udruženja u 2023. godini. Odlukama ministra Ministarstva broj: 13/03-3-1-11-1277-1/24 od 02.02.2024. godine i 13/03-3-1-11-1277-2/24 od 25.06.2024. godine ovo finansiranje je predviđeno za 12 branilačkih udruženja, te Odlukom ministra Ministarstva broj: 13/03-3-1-11-1277-3/24 od 04.11.2024. godine ovo finansiranje je predviđeno za 11 branilačkih udruženja, a u skladu sa članom 1. Odluke o finansiranju rada kantonalnih udruženja branilaca i članova njihovih porodica ("Službene novine Zeničko-dobojskog kantona" broj 4/14 i 15/20).

Za redovno mjesečno finansiranje rada udruženja utrošeno je 315.200,00 KM ili 39,40 % raspoloživih sredstava.

Za ostale programske aktivnosti udruženja, odnosno 99 projekata tokom 2024. godine, utrošeno je 458.521,05 KM ili 57,32 % raspoloživih sredstava. Od navedenih projekata, 98 ih je odobreno

odlukama ministra Ministarstva u ukupnom iznosu od 441.021,05 KM, a u skladu sa članom 5. stav b) točka 4. Programa utroška sredstava Ministarstva za 2024. godinu. Sredstva za projekat finansiranja boravka na moru za 10 slijepih RVI ZDK u iznosu od 17.500,00 KM odobrena su Zaključkom Vlade broj 02-11-11036/24 od 11.06.2024. godine.

Sveukupno, u svrhu finansiranja redovnih i projektnih aktivnosti branilačkih udruženja sa budžetske pozicije Ministarstva utrošeno je 773.721,05 KM, odnosno 96,72 % raspoloživih sredstava.

s) Sufinansiranje učešća u takmičenjima invalidskog sporta-OAD 206

1) **Visina odobrenih sredstava:** 105.000,00 KM

2) **Svrha transfera:**

- Finansiranje takmičarskih aktivnosti invalidskih klubova i saveza;
- Finansijska pomoć Savezu za sport i rekreaciju ZDK, Savezu sjedeće odbojke ZDK i asocijacijama košarke u kolicima i sjedeće odbojke FBiH, odnosno Bosne i Hercegovine;
- Finansiranje takmičarskih aktivnosti košarkaških invalidskih klubova i reprezentativnih selekcija prilikom učešća na pozivnim turnirima u inostranstvu.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14).

Redovno finansiranje takmičarskih klubova i saveza vršeno je Odlukama ministra Ministarstva broj: 13/03-2-3-11-3192/24, 13/03-2-1-11-3192-1/24 i 13/03-2-1-11-3192-2/24 od 19.02.2024. godine, te Odlukama broj 13/03-2-3-11-3192-3/24, 13/03-2-3-11-3192-4/24 i 13/03-2-3-11-3192-5/24 od 16.07.2024. godine. Sredstva odobrena navedenim Odlukama usmjerena su na redovno finansiranje sportskih invalidskih klubova i saveza s područja ZDK, a u skladu sa članom 5. stav c) tačka 4. Programa utroška sredstava Ministarstva za 2024. godinu. Za redovno finansiranje utrošeno je 85.500,00 KM, odnosno 81,43 % od iznosa planiranog Budžetom.

Pored navedenog, sufinansirano je i jedanaest projekata u vidu učešća na sportskim turnirima i nabavke sportske opreme u ukupnom iznosu od 19.300,00 KM, odnosno 18,38 % iznosa planiranog Budžetom, a po osnovi odluka ministra Ministarstva.

Ukupan iznos sredstava plasiranih po ovom transferu je 104.800,00 KM ili 99,81 % budžetskih sredstava.

t) Sufinansiranje organizovanja takmičenja i sportskih manifestacija-OAD 207

1) **Visina odobrenih sredstava:** 110.000,00 KM

2) **Svrha transfera:** Troškovi organizovanja takmičenja i manifestacija povodom obilježavanja značajnih datuma u Kantonu vezanih za odbrambeno-oslobodilački rat, kao i značajnih datuma iz NOR-a.

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o sufinansiranju sportskih aktivnosti ratnih vojnih invalida ("Službene novine Zeničko-dobojskog kantona" broj 4/14);
- Kalendar obilježavanja značajnih datuma iz proteklog odbrambeno-oslobodilačkog rata (akt Ministarstva).

Tokom 2024. godine iz planiranih sredstava finansirano je 25 značajnih manifestacija po prispjelim zahtjevima branilačkih udruženja, od čega je finansiranje 23 projekata odobreno odlukama ministra Ministarstva u ukupnom iznosu 73.839,50 KM, a u skladu sa članom 5. stav d) tačka 5. Programa utroška sredstava za 2024. godinu.

Projekat obilježavanja Dana Trećeg korpusa Armije RBiH u organizaciji Saveza ratnih vojnih invalida ZDK finansiran je na osnovi Zaključka Vlade broj 02-11-19141/24 od 15.11.2024. godine u iznosu 15.000,00 KM, te projekat obilježavanja Dana Armije BiH u ZDK u organizaciji JOB „Unija veterana“ ZDK finansiran je po osnovu Zaključka Vlade broj 02-11-7273/24 od 09.04.2024. godine u iznosu 9.760,00 KM.

Ukupno je utrošeno 99.799,50 KM, odnosno 90,73 % od iznosa planiranog Budžetom.

u) Pomoć u slučaju smrti branilaca i članova njihovih porodica – OAD 212

1) **Visina odobrenih sredstava:** 20.000,00 KM

2) **Svrha transfera:** naknada troškova dženaze/sahrane branilaca – dobitnika ratnih priznanja i odličja

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredba o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14).

Za ovu namjenu odobrena su tri zahtjeva upućena od strane branilačkih udruženja ZDK u svrhu naknade troškova dženaze/sahrane dobitnika ratnih priznanja. U ovu svrhu ukupno je utrošeno 7.500,00 KM, odnosno 37,50 % Budžetom raspoloživih sredstava, a ista su odobrena odlukama ministra Ministarstva u skladu sa članom 7. i članom 11. Uredbe o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14).

v) Sredstva za izgradnju spomen obilježja vezanih za odbrambeno-oslobodilački rat – OAD 219

1) **Visina sredstava:** 30.000,00 KM

2) **Svrha transfera:** Sufinansiranje izgradnje, sanacije ili rekonstrukcije spomen-obilježja vezanih za odbrambeno-oslobodilački rat

3) **Pravna osnova:**

- Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);

Sredstvima sa ovog transfera potpomognuta je:

- izgradnja spomen-obilježja braniteljima HVO u mjestu Čusto Brdo-Maglaj, po zahtjevu Udruge nositelja ratnih odličja ZDK,
- izgradnja spomen-obilježja u MZ Ciglane i Berek u općini Žepče, po zahtjevu Organizacije porodica šehida i poginulih boraca ZDK,
- sufinansiranje projekta "Sanacija spomen-obilježja antifašistima Žepča", po zahtjevu udruge SUABNOR ZDK.

Sredstva za ove projekte odobrena su odlukama ministra Ministarstva u skladu sa članom 5. stav f) tačka 4. Programa utroška sredstava za 2024. godinu. Ukupno je utrošeno 14.000,00 KM odnosno 46,67 % raspoloživih sredstava.

615100 – KAPITALNI TRANSFERI DRUGIM RAZINAMA VLASTI

w) Kapitalni grantovi drugim razinama vlasti – 615100

- 1) **Visina odobrenih sredstava:** 80.000,00 KM
- 2) **Svrha transfera:**
 - sufinansiranje izgradnje i rekonstrukcije centralnih spomen-obilježja u lokalnim zajednicama;
 - pomoć za izgradnju kolektivnih stambenih objekata branilaca i članova njihovih porodica,
 - pomoć za izgradnju infrastrukture naselja branilaca i članova njihovih porodica;
 - pomoć jedinicima lokalne uprave za izgradnju stambenih objekata namjenjenih stanovanju socijalno ugroženih branilaca, a u skladu sa Zakonom o socijalno-neprofitnom stanovanju Zeničko-dobojskog kantona („Službene novine Zeničko-dobojskog kantona“ broj 13/13);
 - sufinansiranje projekata naučno-istraživačke djelatnosti u svrhu poboljšanja kvalitete ortopedskih pomagala za ratne vojne invalide.
- 3) **Pravna osnova:**
 - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14)
 - Zakon o socijalno-neprofitnom stanovanju Zeničko-dobojskog kantona („Službene novine Zeničko-dobojskog kantona“ broj 13/13);
 - Odluke Vlade Federacije BiH o izdvajanju sredstava iz Budžeta FBiH i Zaključci Vlade ZDK o odobravanju sredstava, na prijedlog Ministarstva za boračka pitanja.

Zaključkom Vlade ZDK broj 02-11-21582/24 od 31.12.2024. godine, a na prijedlog Ministarstva za boračka pitanja, u 2024. godini finansirana je rekonstrukcija centralnog spomen obilježja u Maglaju. Za ovu namjenu utrošeno je 80.000,00 KM, odnosno 100% Budžetom raspoloživih sredstava.

III. ZAKLJUČAK

Tokom 2024. godine izvršeno je plaćanje 68 računa po izvršenim narudžbama roba i usluga u ukupnom iznosu od 23.238,58 KM.

Programom utroška sredstava Budžeta Zeničko-dobojskog Kantona za 2024. godinu planiranih na razdjelu Ministarstva za boračka pitanja u izvještajnom razdoblju utrošeno je 20.184.165,20 KM, odnosno 95,21 % budžetskih sredstava.

Povećana potrošnja na razdjelu Ministarstva prvenstveno je rezultat povećanja broja korisnika za određene vrste pomoći, te povećanja naknada stipendija, kao i povećanje poticaja za dodjelu sredstava u svrhu zapošljavanja i samozapošljavanja.

Također, zbog povećanja broja korisnika u cilju poboljšanja zdravstvenog stanja, povećana potrošnja evidentirana je i na transferima zdravstvene zaštite neosiguranih osoba, medicinske rehabilitacije, te pomoći za liječenje i nabavu lijekova.

Zenica, 26.02.2025. godine

Ministar

Adnan Sirovica